

## Sagardotegien denboraldia hastera doa

■ Bihar bertan zabalduko dituzte beren atea Gipuzkoakoek. ■ Joxe Mari Bakero futbolariak hartu zuen parte atzo aurkezpenean. ■ Sagardo ona da aurtengoa, produzitzaileek diotenez.

Astigarraga eta bere inguruneak dira gure herrialdean sagardotegien kokagune nagusia, eta bertan egin ohi da azken urteotan denboraldiaren hasiera ofiziala. Atzo egin zen ekitaldi nagusia eta bertan festa giroa bizitzear gain sektore honek bizi duen egoera eta dituen kezkek azaldu ziren.

X. ARAMENDI

Astigarragako sagardogileek San Sebastian egunaren aurreko ostirala, hau da, biharko eguna, hautatu dute sagardotegiak irekitzeko eta, hori aprobetxatuz, Udalak eta sagardogile elkarrekin ekitaldi berezia antolatu zuten atzokoan. Herriko sagardotegi batean burutu zen ekitaldia eta bertan 130 pertsona inguru bildu ziren, instituzioetako ordezkariek, sagardogile eta komunikabideetako kideen artean.

Joxe Mari Bakero futbolariak ere parte hartu nahi izan zuen eta Bartzelonatik iritsi zen Astigarragara, la bi orduko atzerapenarekin bada ere, hegazkinarekin izandako arazoak medio, bazkariaren amaiera aldera ailegatu zen sagardotegira, eta txalaparta eta dantzarien saioarekin batera kupa zabaldu eta urteko sagardo berria edan zuen.

Bazkariaren aurretik Astigarragako Udaletxeko Pleno Aretan sagardogileek, Iñaki Txueka Nekazaritzako diputatuak, Lekuako Elikadura Politikarako zuzendaria den German Murumendiarazek eta Mikel Zabala alkateak sektorearen inguruko haiztat datu eman zituzten.

### Produktzioa

Aurtengo produktzioa bederatzi milioi kilo sagar eta sei milioi sagardo litrokoa izan da, eta azken urteotan salmentan eman den gorakada aipatu zuten bereziki bertan bildutakoek. Gipuzkoa da Hegoaldean genien kontsumitzen duen gunea, produktzioaren ia %60a iritsuz, eta sagardogileek beraien onartu zuten oso zaila da kopurua handitzea. Beraz, Bizkaia, Nafarroa eta Araba izanik geroz eta gehiago kontsumitzen duten herrialdeak bertara jotzea da helburua. Gaur egun Bizkaiak %22ra iritsi dira, azken urteotan %2-3ko igoera izanik.

Udazkenean egin duen eguraldi ona medio aurreratu egin da sagardoa, baina beren uestez horrek ez du esan nahi goizegi egin denik. Tradizioz, sagardoa urriaren 15a eta azaroaren 15a bitartean egiten da nagusiki. Ha-



Atzoko bazkarian aurtengo lehen sagardoa dastatzeko aukera izan zen Astigarragan.

Jon URBE

lere, aurtun aurreratu egin da denboraldia, uda hasiera beroa eta lehorta izan baitzen eta eurak berandu iritsi baitziren. Gainera, udazken beroa izan denez gero, azkarrago fermentatu da eta sagardoa ere lehenago egin zen, azaroaren lehen asterako bukatua baitzegoen.

Sagar uzta oso heldua eta azukre askokoa izan da eta, ondorioz, sagardogileek adierazita-koaren arabera, kontsumitzaileek kalitate handiko sagardoa dastatu ahal izango dute.

### Botilatan

Aurtun ere, aurrekoetan bezala, sagardoaren geniengoa ootilatan sailduko da, txotxetik edaten den sagardoak produktzioaren %5a besterik ez baitu suposatzen.

Atzo agertu ziren kezken artean azkenaldian sagardotegien izaeraren inguruan ematen den aldaketa nabarmendu zen, zale-tuak lehen edaria dastatzera joaten baziren orain hori galduz doala ikusten baitute.

Alkateak berak kontsumitzaileek lehen zuten jakintzia herrikoien galeria gaineratu zuen, bere uestez hori garrantzitsua baita.

Honi dagokionez, jabetxe eta sagardotegien arteko nahasketa

ere kaltegarria delakoan daude, eta kritarioak bari eta bata zein bestea desberdintzearen aldeko agertu ziren.

Honekin batera, sagardotegien denboraldiaren hasiera herrikoia bilakatzeko asmoa ere agertu zuten, eta datorren urterako Udaletxearen ondoan eraikitzen ari den udal pilotaleku bertan egiteko aukera aipatu zuten, herriarrek ere parte har dezaten.

Urteko sagardoa egiteko beharrezkoa den sagararen erdia inguru ekoizten da Gipuzkoan eta horren aurrean sagarrondoak aldatzen ari dira Diputazioak, gaur egun 400 hektarea inguru izanik landatutakoak. Eta oraindik 7-8 urte behar izango dira sagar guztia bertan produzitzeko, hori Jatorrizko Izendapena emateko orduan oztopo izanik.

Udalaren partetik sagardogileekin elkarlanean segitzeko asmoa agertu zen, Astigarragako herriak aipatu edariarekin duen ezinbesteko lotura kontuan izanda. Gainera, sagardoak suposatzen duen diru-sartera garrantzitsua ere ezin da ahaztu, eta aspektu ezkorren artean asteburutan biltzen den jendetzak sortarazten dituen arazoak aipatu ziren.



Joxe Mari Bakero zabaldu zuen lehen kupa.

Jon URBE